

晉乘蒐略

(清)康基田編著

肆

山西古籍出版社

圖書在版編目 (CIP) 數據

晉乘蒐略 / (清) 康基田 編著 — 太原: 山西

古籍出版社, 2006.4

ISBN 7-80598-728-9

I. 晉… II. 康… III. 山西省—地方史—史料

IV. K292.5

中國版本圖書館CIP數據核字 (2006) 第036824號

晉乘蒐略 (壹—肆)

著 者	(清) 康基田	網 址	www.sxskcb.com
責任編輯	張繼紅 朱 屹	經 銷 者	山西古籍出版社
出 版 者	山西古籍出版社	承 印 者	山西方略印業有限公司
地 址	太原市建設南路15號	開 本	850mm × 1168mm 1/32
郵 編	030012	印 張	83.375
電 話	0351-4922220 (發行中心)	字 數	1350千字
	0351-4956036 (綜合辦)	印 數	1-1000套
E-mail	Fzxx@sxskcb.com (發行中心)	版 次	2006年4月第1版
	Web@sxskcb.com (信息室)	印 次	2006年4月第1次印刷
	Gujshb@sxskcb.com (綜合辦)	定 價	220.00圓 (全套)

目 錄

晉乘蒐略序(松筠)		一
序(許兆椿)		一
晉乘蒐略序(姚鼐)		一
序(康基田)		一
卷一(堯、舜)		一
卷二(夏、商、周)		七三
卷三(春秋)		一三五
卷四(春秋)		一九三
卷五(春秋、戰國)		二五九
卷六(戰國、秦)		三一六
卷七(西漢)		三七九

卷八(西漢)		四三七
卷九(東漢)		五二六
卷十(東漢)		六〇八
卷十一(魏、晉)		六七九
卷十二上(東晉、十六國)		七七四
卷十二下(魏)		八二九
卷十三(魏、齊、周)		九一一
卷十四(隋)		九九〇
卷十五(唐)		一〇六四
卷十六(唐)		一一六四
卷十七(唐)		一二二五
卷十八(唐)		一二九九
卷十九(五代)		一三六七
卷二十(宋)		一四六五
卷二十一(宋)		一五五〇
卷二十二(宋)		一六一五

卷二十三上(遼)		一六七九
卷二十三下(金)		一六九八
卷二十四(金)		一七六二
卷二十五(元)		一八二一
卷二十六(元)		一八九二
卷二十七(明)		一九七三
卷二十八(明)		二〇六五
卷二十九(明)		二一七九
卷三十上(明)		二二八七
卷三十下(明)		一三六七
卷三十一(明)		二四三八
卷三十二上(明)		二五一〇
卷三十二下(明)(含《讀史方輿紀要·山西》)		二五七〇
《晉乘蒐略》跋後		二六四一
後記		二六四三

晉乘蒐略卷之二十七

明初定山西，在削平南北之後。太祖始起淮右，定金陵，西克湖湘，東兼吳會，然後遣將北伐，并山東，收河南，進取幽燕，分軍四出，始由晉及秦，訖嶺表，盡入版圖。洪武初，置山西等處行中書省。嗣革行中書省，置十三布政使司，分領天下府州縣及羈縻諸司；置十五都指揮使司領衛所番、漢諸軍，各守其方；又邊境增置行都指揮使司。成祖定都北京，悉如其制。山西布政使司治太原，領府五、直隸州五，屬州十六、縣七十九。北臨邊，東連太行，西距河，南接嵩華。與山東、河南、陝西、四川、湖廣、浙江、江西、福建、廣東、廣西、雲南、貴州分疆爲十三省。行都指揮使五。山西同北平、陝西、四川、福建並列爲五。邊險要地稱重鎮者凡九，大同、太原爲最要，與遼東、薊州、宣府、榆林、寧夏、甘肅、固原分統衛所關堡，環列兵戎，綱維布置。成祖棄大寧，徙東勝。宣宗遷開平於獨石。世宗復棄哈密、河套。論者謂開平近邊，河套守衛益薄，後有土木之變，其後流寇首禍西陲，蔓延中

原，以迄敗亡。人事之乖，非地理之失也。今序山右地理及諸省分統之由，併著於篇。

太原府，元冀寧路，屬河東山西道宣慰司，治大同路，洪武元年十二月，改爲太原府，領州五、縣二十。

陽曲，倚，洪武三年四月建晉王府於城外東北維。西有汾水，源出靜樂管涔山，流經府城，西至滎河縣合大河。西北有天門關巡檢司。東北有石嶺關巡檢司。

太原，在府西南。元曰平晉，在今治東北。洪武四年移於汾水西，故晉陽城之南關。八年更名太原。西有懸甕山，一名龍山，又名結紉山，晉水所出，下流入於汾。西北有蒙山。東有汾水。東南有洞渦水，源自樂平，下流入汾。

榆次，在府東南。有涂水，合小涂水西北流，入洞渦水。

太谷，在府東南。有馬嶺，路出北直邢臺縣，上有馬嶺關，有巡檢司。西有太谷，一名咸陽谷。東北有象谷水，流入汾。

祁，在府南少西。東南有胡甲山，隆舟水出焉，下流至平遙入汾。南有隆舟峪巡檢司。又東有團柏鎮。

徐溝，在府南。北有洞渦水，至此合汾。

清源，在府西南。北有清源水，東流，南入汾。

交城，在府西南。東北有羊腸山。東南有汾水。又西有文水。文水，在府西南。有隱泉山。東有文水，南入汾。又東北有猷水，或以爲即鄔澤也。

壽陽，在府東。西有殺熊嶺。南有洞渦水，黑水流合焉。

孟，在府東北。元孟州。洪武二年降爲縣。東北有白馬山。北有滹沱河，東入北直平山縣界。東北有伏馬關，一名白馬關。又東有榆棗關。

靜樂，在府西北。元管州。洪武二年改爲靜樂縣。東北有管涔山，汾水所出。又東北有燕京山，上有天池。又北有寧化守禦千戶所，洪武二年置。又東南有兩嶺關，置故鎮巡檢司於此，後移於稍東順水村。又南有樓煩鎮巡檢司。又東北有沙婆嶺巡檢司，後移於陽曲縣天門關。

河曲，在府西北。元省。洪武十三年十一月復置。西有火山，臨大河。河濱有娘灘、太子灘，皆套中渡河險要處也。北有關河，以經偏頭關而名，西北流入大河。成化十一年十二月置偏頭關守禦千戶所，與寧武、雁門爲三關。

平定州，東有綿山，澤發水出焉，即冶河上源，合沾水，東流至平山縣入滹沱。西南有洞渦水，合浮化水西流入汾。東南有新固關守禦千戶所。又東有故關，即井陘關也，洪武三年置故關巡檢司於此。又有葦澤、盤石二關在縣東北，俱接井陘縣。西

北距府一百八十里，領縣一。

樂平，在州東南。東有皋落山，一名靈山。西南有少山，一名沾嶺，爲沾水、清漳二水之發源。沾東流入澤發水，漳北流，折而西南，入和順縣之梁榆水。又西有陡泉嶺，洞渦水所出。又靜陽鎮在縣東南。

忻州，洪武初，以州治秀容縣省入。北有滹沱河，又有忻水，一名肆盧川，自北流入焉。西南有牛尾莊巡檢司，後移於州北十里。又西有寨西巡檢司，西北有沙溝巡檢司，後俱廢。又忻口寨亦在州北。又東南有赤塘關。南距府百六十里，領縣一。

定襄，在州東少北。北有滹沱河。又南有叢象山，有三（會）水流合焉。（二）東北有胡谷砦巡檢司，後廢。

代州，洪武二年降爲縣。八年二月復升爲州。句注山在西，亦名西陁，亦曰雁門山，其北爲雁門關，有雁門守禦千戶所，洪武十二年十月置。又於關北置廣武營城。又東有夏屋山，一名下壺。又南有滹沱河，源（有）（自）繁峙，（三）入州界，西南流經崞、忻、定襄，又東經五臺、孟入真定界。又北有太和嶺、水勤口二巡檢司，後俱廢。西南距府三百五十里，領縣三。

五臺，在州東南。元臺州。洪武二年改爲五臺縣。八年二月來屬。東北有五臺山，有清水河，東北流，合虎陽河，南入於滹沱。又東南有高洪口巡檢司。又東北有

大谷口、飯仙山二巡檢司，後俱廢。

繁峙，在州東。元堅州。洪武二年改爲繁峙縣。八年二月來屬。治在縣南，成化三年移治東義村。萬曆十四年十二月徙於河北之石龍崗。東北有泰戲山，滹沱河所出也，迴環千三百七十里，至北直靜海縣入海。又北有茹越口、東北有北樓口、東有平刑嶺三巡檢司，後俱廢。又東有郎嶺關城，洪武十七年築。

崞，在州西南。元崞州。洪武二年降爲縣。八年二月來屬。西南有崞山。東南有石鼓山，又有滹沱河。又西北有寧武關，有寧武守禦千戶所，景泰元年置。又有八角守禦千戶所，嘉靖三年八月置。又西南有蘆板寨巡檢司。又西北有楊武峪、弔橋嶺、胡峪北口三巡檢司。

崞嵐州，本崞嵐縣，洪武七年十月置。八年十一月升爲州。北有崞嵐山，其東爲雪山。西南有嵐漪河，北有蔚汾水，下流俱入大河。又西北有崞嵐鎮巡檢司，後廢。又北有天潤堡隘，路通朔州。西北有於坑堡隘，又有洪谷堡隘，俱通保德州。東南距府二百八十里，領縣二。

嵐，在州南少東。元嵐州。洪武初降爲縣。西南有黃尖山，蔚汾水所出。又北有二郎關、鹿徑嶺二巡檢司。

興，在州西南。元興州。洪武二年降爲縣。八年十一月來屬。東北有石樓山。西

濱大河。南有蔚汾水流入焉。又東六十里界河口，路出岢嵐州，西南五十里孟家峪、黃河崖口，路出陝西神木縣，洪武三年各置巡檢（司）。（三）革穆峪，舊置巡檢司。國朝雍正三年析保德州爲直隸州，以興縣隸焉。八年仍改隸太原府。

保德州，洪武七年降爲縣。八年十一月屬岢嵐州。九年正月復升爲州。西濱大河。東北有得馬水巡檢司，後廢。東南距府五百里。

平陽府，元晉寧路，屬河東山西道宣慰司。洪武元年改爲平陽府。領州六、縣二十八。東北距布政司五百九十里。

臨汾，倚，西有姑射山。西南有平山，晉水、平水皆出於此，東流入於汾。襄陵，在府西南。西南有三陞山。東有汾水。南有太平關，有巡檢司。

洪洞，在府北少東。東有九箕山，西有汾水。

浮山，在府東少南。西有浮山。北有澇水，東南有澇水，下流俱入汾。

趙城，在府北。元屬霍州。洪武三年改屬。西有羅雲山，又有汾水、霍水，自東南流入焉。

太平，在府西南。元屬絳州。洪武二年改屬。東有汾水。

岳陽，在府東北。東有沁水，流入澤州界。北有澇水。又南有赤壁水，西北流，會澇水，入汾河。

曲沃，在府南。元屬絳州。洪武二年改屬。南有紫金山，產銅。北有喬山。西有汾水。西南有澮水，下流入汾。

翼城，在府東南。元屬絳州。洪武二年改屬。東南有澮高山，產銅，下有灤泉。又東有烏嶺山，澮水出焉。

汾西，在府北少西。西有青山，產鐵。東有汾水。

蒲，在府西北。元屬隰州。洪武二年改屬。西有第一河，西流入大河。東有張村岔巡檢司。

靈石，在府北。元屬霍州。萬曆二十三年五月改屬汾州府。四十三年還屬府。東有綿山，即介山也。城北有汾水，又東有谷水流入焉。又北有靈石口巡檢司。西南有陰地關，又有汾水關。

蒲州，元河中府。洪武二年改爲蒲州，以州治河東縣省入。中條山在東南，即雷首山也，又名首陽山，跨臨晉、聞喜、垣曲、平陸、芮城、安邑、夏縣、解州之境。又南有歷山。又大河自榆林折而南，經州城西，又經中條山麓，又折而東，謂之河曲。臨河有風陵關巡檢司。又東南有涑水，即洛水下流，又南有嬭汭水，俱注於大河。東北距府四百五十里，領縣五。

臨晉，在州東北。東南有王官谷。西有大河。南有涑水。又西有吳王寨巡檢司。

滎河，在州北，少東。大河在城西，汾水至此入河。

猗氏，在州東北。南有涑水。東南有鹽池。

萬泉，在州東北。南有介山。

河津，在州東北。西北有龍門山，夾河對峙，下有禹門渡巡檢司。汾水舊由滎河

縣北睢邱入河，隆慶四年東徙，經縣西南葫蘆灘入河。

解州，洪武初，以州治解縣省入。南有檀道山，又有石錐山。東南有白徑嶺。南

濱大河。東有鹽池。西北又有女鹽池。東北有長樂鎮巡檢司。東南有鹽池巡檢司。東

北距府三百四十里，領縣五。

安邑，在州東北。西有司鹽城。北有鳴條岡，又有涑水。西南有鹽池。南有聖惠

鎮巡檢司。西南有西姚巡檢司。

夏，在州東北。北有涑水。

聞喜，在州東北。東南有湯山，產銅。南有涑水，又東有乾河，又有董澤。

平陸，在州東南。東北有虞山，一名吳山。又東有傅巖。南濱大河，中有底柱

山。東有大陽津，上有關，亦曰茅津。有沙澗茅津渡巡檢司。又有白浪渡巡檢司。

芮城，在州西南。大河南經縣，西折而東。東南有陌底渡巡檢司。西北有萬壽

堡。東有襄邑堡。

絳州，洪武初，以州治正平縣省入。西北有九泉山。南有汾水，澮水自東南流入焉。西有武平關。東北距府百五十里，領縣三。

稷山，在州西。南有稷神山，又有汾水。

絳，在州東。南有太行山。東南有太陰山，又有陳村峪，涑水出焉，經聞喜、夏、安邑等縣，至蒲州入黃河。又西北有絳山，絳水出焉，西流入涑。又東南有教山，教水出焉，即乾河之源也。絳山產鐵。

垣曲，在州東南。西北有折腰山，山有銅冶。又東北有王屋山。南濱河。西有清水流入焉。又北有乾河。西北有橫嶺背巡檢司。西南有留莊隘。

霍州，洪武初，以州治霍邑縣省入。東南有霍山，亦曰霍太山。西有汾水，又有霍水、歲水，俱出霍山，下流俱入汾。南距府百四十五里。

吉州，西有孟門山，大河所經。西南有壺口山。又烏仁關在西，平渡關在西北，俱有巡檢司。東距府二百七十里，領縣一。

鄉寧，在州東南。西南有兩乳山。西有黃河。西北有龍尾磧巡檢司。

隰州，洪武初，以州治隰川縣省入。西有蒲水，南入大河。東北有廣武莊巡檢司。東南距府二百八十里，領縣二。

(太)(大)寧，^(四)在州西南。西濱大河。又東南有昕川，西注於河。西有馬鬬關，

大河經其下，有巡檢司。

永和，在州西。西濱大河。西北有永和關，有巡檢司。又有興德關。西南有鐵羅關。三關俱與陝西濱河爲界。

汾州府。元汾州，屬冀寧路。洪武九年直隸布政司。萬曆二十三年五月升爲府。領州一、縣七。東北距布政司二百里。

汾陽，倚。元曰西河。洪武初，省入州。萬曆二十三年五月復置，更名。東有汾水。又東北有文水，一名萬谷河，自文水縣東南流入焉。西有金鎖關、黃蘆嶺二巡檢司。

孝義，在府南少東。西北有狐岐山，勝水出焉，東流入汾。又縣南有雀鼠谷，與介休縣界，汾水自東北來經此。又西有溫泉鎮巡檢司。

平遙，在府東。南有麓臺山，一名蒙山，又名謁戾山。西有汾河。東有中都水，又有原祠水，合流注於汾河。又南有普同關巡檢司，後移於縣東北之洪善鎮。

介休，在府東。南有介山，亦曰綿山。西有汾水，東有石洞水，西流入焉。東北有鄔城泊，與平遙、文水二縣界，即昭餘祁藪之餘浸也，或亦謂之蒿澤。東南有關子嶺鎮巡檢司。

石樓，在府西少南。元屬晉寧路之隰州。萬曆四十年改屬。東南有石樓山。西有

黃河，又有土軍川流入焉。又西北有上平關、西有永和關、東北有窟龍關三巡檢司。

臨，在府西北。元臨州，屬冀寧路。洪武二年降爲縣。萬曆二十三年五月來屬。北濱黃河，東北有榆林河流入焉。西北有剋狐寨巡檢司。

永寧州，元石州，屬冀寧路。洪武初，以州治離石縣省入。隆慶元年更名。萬曆二十三年五月來屬。大河在西。東有穀積山，下有石窟村，東川河出焉。北有赤堅嶺，一名離石山，離石水出焉，亦曰北川河，合流注於大河。又西有青龍渡、北有赤壁嶺二巡檢司。又西有孟門關。東南距府百六十里，領縣一。寧鄉，在州南。東南有樓子臺山。西有黃河。

潞安府。元潞州，屬晉寧路。洪武二年直隸行中書省。九年直隸布政司。嘉靖八年二月升爲潞安府。領縣八。西北距布政司四百五十里。

長治，倚永樂六年，藩王府自瀋陽遷此。元上黨縣。洪武二年省入州。嘉靖八年二月復置，更名。東南有壺關山，舊置壺口關於山下。^(五)西南有潞水，即濁漳水，自長子縣流入，下流至河南臨漳縣，合清漳水。又西有藍水，東流與濁漳水合。

長子，在府西少南。東南有羊頭山，西南有發鳩山，一名鹿谷山，濁漳水發源於此。西北有藍水，南有梁水，皆流入漳水。

屯留，在府西北。西北有三峻山。又西南有盤秀(水)(山)，^(六)藍水出乎其陽，絳

水出乎其陰，下流俱合濁漳水。

襄垣，在府北少西。南有濁漳水。西北有小漳水，又有涅水，自武鄉縣流入界，合小漳水下流入濁漳水。西有五嶺山巡檢司。

潞城，在府東北。西有三垂山。北有濁漳水，又有絳水，流合焉，謂之交漳。

壺關，在府東南。南有趙屋嶺，西南有大峪嶺，俱產鐵。東南有羊腸坂。西北有壺水，西入濁漳。

黎城，在府東北。西北有濁漳水，東南入河南林縣界。東北又有清漳水，流入河南涉縣界。又東北有吾兒峪巡檢司。

平順，在府東北。嘉靖八年二月以潞城縣青羊里置，析黎城、壺關、潞城三縣地益之。東北有濁漳水。東南有虹梯關、玉峽關二巡檢司。

大同府，元大同路，屬河東山西道宣慰司。洪武二年爲府。領州四、縣七。南距布政司六百七十里。

大同，倚洪武二十五年三月建代王府。北有方山。西北有雷公山。東有紇真山。又東北有白登山。又西有大河。又南有桑乾河，自馬邑縣流經此，其下流至蔚州入北直境，爲虞溝河。又西北有金河，又有紫河，皆流入大河。又西有武州山，武州川水出焉。又東有（街）（御）河，_{（七）}一名如渾水，南有十里河流合焉，即武州川也，俗